

საჯარო სამართლის იურიდიული პირი
ზურაბ ჟვანიას სახელობის სახელმწიფო ადმინისტრირების სკოლა



სატენდერო დოკუმენტაცია

პროექტორი, ინტერაქტიული დაფა და ფოტოაპარატების შესყიდვაზე
გამარტივებული ელექტრონული ტენდერის საშუალებით

ქუთაისი

2016 წელი.

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება სახელმწიფო შესყიდვების სააგენტოს თავმჯდომარი 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგვალდებული ხარტ გაეცნოტ აფიდავიტს და დაეთანხმოტ მას (გაცნობას და თანხმობას ადასტურებტ სისტემის მეშვეობიტ).

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობიტ. ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6 ამ ინსტრუქციის 1.5 პუნქტიტ გატვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებატ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს.

1.8 მას შემდეგ, რაც ზემოაღნიშნულ ქმედებებს განახორციელებტ, თქვენ უფლება გაქვტ სისტემის მეშვეობიტ წარადგინოტ სატენდერო წინადადება.

1.9 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციიტ, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 ტექნიკური დოკუმენტაციის ატვირთვის შემდეგ, თქვენ გაქვტ შესაძლებლობა მიუთითოტ თქვენი სატენდერო წინადადების ფასი კანონმდებლობიტ გატვალისწინებული ყველა გადასახადის გატვალისწინებით.

1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.14 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 სამუშაო დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.21 სატენდერო კომისიის მიერ პრეტენდენტის მიერ საკვალიფიკაციო მონაცემების დამადასტურებელი დოკუმენტების სატენდერო განცხადებასთან და სატენდერო დოკუმენტაციასთან შესაბამისობის დადგენის შემდეგ, ხოლო იმ შემთხვევაში, როდესაც სატენდერო დოკუმენტაცია არ შეიცავდა პრეტენდენტის მიერ საკვალიფიკაციო მონაცემების წარმოდგენის მოთხოვნას – სატენდერო კომისიის მიერ სატენდერო წინადადების სატენდერო განცხადებასთან და სატენდერო დოკუმენტაციასთან შესაბამისობის დადგენის შემდეგ შემსყიდველი ორგანიზაცია პრეტენდენტს განუსაზღვრავს ვადას ხელშეკრულების

შესრულების გარანტიის ან დაზღვევის წარმოსადგენად და ხელშეკრულების დასადასტურებლად არაუმეტეს 10 სამუშაო დღეს, ხოლო იმ შემთხვევაში, როდესაც ხელშეკრულების შესრულების გარანტიის ან დაზღვევის მოთხოვნა არ ხდება, შემსყიდველი ორგანიზაცია პრეტენდენტს განუსაზღვრავს ვადას ხელშეკრულების დასადასტურებლად არაუმეტეს 5 სამუშაო დღეს. აღნიშნული ვადის გაგრძელება შესაძლებელია არა უმეტეს ხუთი სამუშაო დღით, მხოლოდ სატენდერო კომისიის დასაბუთებული ოქმის საფუძველზე, რომელშიც მითითებული იქნება ობიექტური მიზეზები, რომელთა გამოც ვერ მოხერხდა ხელშეკრულების დადება დადგენილ ვადაში.

1.22 პრეტენდენტის დისკვალიფიკაცია ხდება შემდეგ შემთხვევებში: ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენისას. ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე; გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს; დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში; ე) პრეტენდენტის მიერ არაკეთილსინდისიერი ქმედების განხორციელებისას.

1.23 ამ ინსტრუქციის 1.22 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24 სახელმწიფო შესყიდვების სააგენტოს თავმჯდომარი 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უზრუნდება პრეტენდენტს, გარდა იმ შემთხვევებისა, როდესაც: ა) პრეტენდენტი უარს იტყვის თავის სატენდერო წინადადებაზე; ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად; გ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენის შემთხვევაში.

1.25 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26 ელექტრონული ტენდერის შეწყვეტა: ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას. ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე; გ)

შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.27 გამარტივებულ ელექტრონულ ტენდერთან ან ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.28 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.30 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.31 პრედენდენტს არა აქვს უფლება წარმოადგინოს ალტერნატიული წინადადება

2. ტექნიკური დავალება

გამარტივებული ელექტრონული ტენდერი გამოცხადებულია იმ მიზნით, რომ საჯარო სამართლის იურიდიულმა პირმა ზურაბ ჟვანიას სახელობის სახელმწიფო ადმინისტრირების სკოლამ (შემდგომში – შემსყიდველი) შეისყიდოს პროექტორი, ინტერაქტიული დაფა და ფოტოაპარატები სკოლის საჭიროებისათვის საქართველოს 2016 წლის სახელმწიფო ბიუჯეტის ასიგნებების ხარჯზე შემდეგი პირობებით:

ა) შესასყიდი საქონლის ტექნიკური პარამეტრები, რაოდენობა და ფასების ცხრილი იხილეთ დანართის სახით №3

ბ) შესყიდვის ობიექტის სავარაუდო ღირებულება – **56800 (ორმოცდათექვსმეტიათასრვაასი) ლარი**;

გ) შესყიდვის ობიექტის მიწოდების ვადები – შესაბამისი სახელმწიფო შესყიდვის ხელშეკრულების გაფორმებიდან **30 დღის** ვადაში.

დ) შესყიდვის ობიექტის მიღება-ჩაბარების პირობები:

შესყიდვის ობიექტის მიღება-ჩაბარება ხორციელდება მიღება-ჩაბარების აქტით, რომელსაც შემსყიდველის მხრიდან ხელს აწერს შემსყიდველის კონტროლის კორდინატორი, ხოლო მიმწოდებლის მხრიდან მისი უფლებამოსილი პირი.

შესყიდვის ობიექტის ტრანსპორტირებას მიწოდების ადგილამდე ახორციელებს მიმწოდებელი. ტრანსპორტირების ხარჯები ცალკე ანაზღაურებას არ ექვემდებარება.

ე) შესყიდვის ობიექტის მიწოდების ადგილი:

– შემსყიდველის ადგილსამყოფელი – ქუთაისი, ნიკეას ქუჩა, 13.

ვ) ანგარიშსწორების პირობები და ვადები:

1. ანგარიშსწორების ვადა: 15 კალენდარული დღის ვადაში მიმწოდებლის მიერ ანგარიშსწორების განხორციელებისათვის საჭირო დოკუმენტების წარმოდგენის დღიდან.

2. ანგარიშსწორების განხორციელებისათვის მიმწოდებელმა უნდა წარმოადგინოს შემდეგი დოკუმენტები: სასაქონლო ზედნადები, ანგარიშ-ფაქტურა (თუ მიმწოდებელი დღგ გადამხდელია) და მიღება-ჩაბარების აქტი.

3. ტექნიკური დოკუმენტაცია

3.1. ტექნიკური დოკუმენტაცია არის საბუთების ერთობლიობა, რომელთა ნაწილი პრეტენდენტმა ელექტრონულად უნდა ატვირთოს სისტემაში.

3.2. სისტემაში ელექტრონულად უნდა აიტვირთოს შემდეგი საბუთები:

- ა) სატენდერო წინადადება დანართი 1–ის შესაბამისად,
- ბ) პრეტენდენტის რეკვიზიტები დანართი 2–ის შესაბამისად,
- გ) შესასყიდი საქონლის ტექნიკური პარამეტრები რაოდენობა და ფასების ცხრილი დანართის სახით №3–ის შესაბამისად,

3.3. დოკუმენტები, მითითებული წინა პუნქტში, ამოხეჭილი და პრეტენდენტის წარმომადგენლობაზე უფლებამოსილი პირის ხელმოწერით დამოწმებული.

3.4. გამარტივებულ ელექტრონულ ტენდერში გამარჯვებულმა პრეტენდენტმა, შემსყიდველის შესაბამისი მოთხოვნით გათვალისწინებულ ვადაში, შემსყიდველს უნდა წარუდგინოს დაზუსტებული ტექნიკური დოკუმენტაცია.

3.5. გამარჯვებული პრეტენდენტის მიერ დაზუსტებული დოკუმენტაციის წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

3.6. საკვალიფიკაციო მოთხოვნა - არ გამოიყენება.

3.7. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარი 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე. 3.4 ელექტრონული გარანტიის მოქმედების ვადა უნდა განისაზღვროს: გამარტივებული ელექტრონული ტენდერის შემთხვევაში – არანაკლებ 120 კალენდარული დღით ტენდერისათვის სტატუსის „წინადადების მიღება დაწყებულია“ მინიჭების თარიღის შემდეგ.

3.8. სხვა მოთხოვნები:

ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასის 20%-ით ან მეტით შემცირების შემთხვევაში, ფასწარმოქმნის ადეკვატურობის დასაბუთების მიზნით, პრეტენდენტმა წარმოადგინოს ექსპერტიზის დასკვნა, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

წინამდებარე დოკუმენტი წარმოადგენს სახელმწიფო შესყიდვების შესახებ იმ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამოვლენილ გამარჯვებულ პრეტენდენტთან. ხელშეკრულების პირობები დაზუსტდება გამარჯვებული პრეტენდენტის სატენდერო წინადადების შესაბამისად.

პროექტი

ხელშეკრულება სახელმწიფო შესყიდვის შესახებ

ერთის მხრივ საჯარო სამართლის იურიდიულ პირი – ზურაბ ჟვანიას სახელობის სახელმწიფო ადმინისტრირების სკოლა წარმოდგენილი მისი დირექტორის ქეთევან ჯაყელის სახით (მისამართი: ქალაქი ქუთაისი, ნიკეას ქუჩა, 13; ტელ./ფაქსი: (231) 23 26 00, გადასახადის გადამხდელის საიდენტიფიკაციო ნომერი 212852055, მიმღები: ხაზინის ერთიანი ანგარიში, ქ.თბილისი „სახელმწიფო ხაზინა“; ბანკის კოდი: TERESEGE22) (შემდგომში “შემსყიდველი”) და მეორეს მხრივ

(მიმწოდებლის დასახელება და რეკვიზიტები)

წარმოდგენილი მისი დირექტორის ————— სახით (შემდგომში “მიმწოდებელი”) ვთანხმდებით და ვდებთ ხელშეკრულებას შემდეგზე:

ხელშეკრულების საგანი

ხელშეკრულების საგანს წარმოადგენს შემსყიდველის მიერ გამარტივებული ელექტრონული ტენდერის შედეგად საქართველოს 2016 წლის სახელმწიფო ბიუჯეტის ასიგნებების ხარჯზე პროექტორების, ინტრექტიული დაფის და ფოტოაპარატების შესყიდვა. (CPV კლასიფიკატორის დანაყოფის კოდი – 38600000 - ოპტიკური ხელსაწყოები, შესყიდვის ობიექტის CPV კოდი – 38652100 - პროექტორები; 38651600 - ციფრული ფოტოაპარატები)

შემდეგ ფასად (შემდგომში “ხელშეკრულების ფასი”):

(ხელშეკრულების თანხა ციფრობრივად, სიტყვიერად და ვალუტის ჩვენებით)

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობას, რაც მათ აქვთ მინიჭებული ხელშეკრულების პირობებში.
2. ყველა დოკუმენტი რომელიც თან ახლავს ხელშეკრულებას დანართის სახით წარმოადგენს მის განუყოფელ ნაწილს.
3. მიმწოდებელი იღებს ვალდებულებას, მიაწოდოს შემსყიდველს დანართით მოცემული ლაქონელი ხელშეკრულების პირობების შესაბამისად.
4. შემსყიდველი იღებს ვალდებულებას, აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.
5. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს. ხელშეკრულება ძალაში შედის ამ დღეს და ძალაშია 2016 წლის -----

ხელშეკრულების საერთო პირობები

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის მომსახურებას სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში მიწოდებული მომსახურება და საქონელი უნდა შეესაბამებოდეს ტექნიკურ პირობებში მითითებულ სტანდარტებს.

3. საპატენტო უფლებები

3.1. მომსახურების, საქონლის ან მისი ნებისმიერი ნაწილის გამოყენებისას საავტორო ან/და საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი

4.1. შემსყიდველს ან მის წარმომადგენლებს უფლება აქვთ, განახორციელონ ტექნიკური კონტროლი და/ან გამოცადონ მომსახურება (საქონელი), რათა დარწმუნდნენ მის შესაბამისობაში ხელშეკრულებით გათვალისწინებულ ტექნიკურ პირობებთან. ხელშეკრულების სპეციფიკურ პირობებში და/ან ტექნიკურ პირობებში უნდა იყოს მითითება, თუ რა სახის შემოწმებები და გამოცდები სჭირდება შემსყიდველს და, ასევე, სად უნდა გაიმართოს ისინი. შემსყიდველმა წერილობითი სახით და თავისდროულად უნდა აცნობოს მიმწოდებელს ამ მიზნებისათვის განკუთვნილი თავისი წარმომადგენლების შესახებ.

4.2. მიმწოდებელი ვალდებულია, საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თავით შემსყიდველი.

4.3. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების გარანტიის ან სხვა ვალდებულებებისაგან.

5. შეფუთვა

5.1. მიმწოდებელმა უნდა უზრუნველყოს მისაწოდებელი საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

6. საქონლის მიწოდების პირობები

6.1. მომსახურების ფარგლებში მისაწოდებელი საქონლის მიწოდება ხორციელდება ხელშეკრულების გაფორმებიდან **30** კალენდარული დღის განმავლობაში. დეტალური ინფორმაცია ტრანსპორტირების და მასთან დაკავშირებული უფლება-მოვალეობების გამიჯვნის შესახებ მოყვანილია ხელშეკრულების სპეციფიკურ პირობებში.

6.2. დოკუმენტები, რომლებიც წარმოდგენილ უნდა იქნას მიმწოდებლის მიერ საქონლის გადატვირთვისას, მითითებულია ხელშეკრულების სპეციფიკურ პირობებში.

7. დაზღვევა

არ გამოიყენება

8. თანმდევი მომსახურება

არ გამოიყენება

9. სათადარიგო ნაწილები

არ გამოიყენება

10. შესყიდვის ობიექტის მიღება-ჩაბარების წესი

10.1. შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

10.2. შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

10.3. შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

10.4. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

11. გარანტია

11.1. მიმწოდებელი იძლევა მიწოდებული საქონლის საერთაშორისო სტანდარტებთან შესაბამისობის გარანტიას.

11.2. ამ გარანტიის კონკრეტული პირობები განისაზღვრება ხელშეკრულების სპეციფიკური პირობებით.

11.3. მიმწოდებელი ვალდებულია, შეტყობინების მიღებისთანავე გამოასწოროს წუნი ან დანაკლისი შემსყიდველის მხრიდან რაიმე დამატებითი დანახარჯების გაწევის გარეშე.

11.4. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს, თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

12. ანგარიშსწორება

12.1. ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

13. ანგარიშსწორების ვალუტა

ანგარიშსწორება მიმწოდებელთან განხორციელდება ლარებში.

14. ფასები

14.1. შემსყიდველის მიერ საქონლის მიწოდების ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს.

14.2. ხელშეკრულებაში მითითებული ფასების შეცვლა დასაშვებია მხოლოდ იმ შემთხვევაში თუ ასეთი რამ გათვალისწინებულია ხელშეკრულების სპეციფიკურ პირობებში.

15. ხელშეკრულებაში ცვლილებების შეტანა

15.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

15.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია, წერილობით შეატყობინოს მეორე მხარეს შესაბამისი ინფორმაცია.

15.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით.

15.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

16. უფლებების გადაცემა

16.1. მიმწოდებელმა, შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

17. ქვეკონტრაქტორები

17.1. მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა ქვეკონტრაქტის შესახებ, თუ ეს უკვე არ არის მითითებული სატენდერო წინადადებაში.

17.2. ამ ხელშეკრულების ფარგლებში დადებული ყველა ქვეკონტრაქტის ასლი უნდა წარედგინოს შემსყიდველს.

17.3. ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

18. ხელშეკრულების შესრულების შეფერხება

18.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება, მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

18.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

19. ხელშეკრულების შესრულების გარანტია (ამ მექანიზმის გამოყენების შემთხვევაში)

არ გამოიყენება

20. ხელშეკრულების პირობების შეუსრულებლობა

20.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

20.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

21. ხელშეკრულების შეწყვეტა მისი პირობების შეუსრულებლობის გამო

21.1. შემსყიდველს შეუძლია, მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია, მიაწოდოს მთელი მომსახურება (საქონელი) ან მისი ნაწილი;

ბ) თუ მიმწოდებელს არ შეუძლია, შეასრულოს ხელშეკრულებით გათვალისწინებული რომელიმე ვალდებულება.

21.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

21.3. შემსყიდველს შეუძლია, მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

21.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია, აუნაზღაუროს მიმწოდებელს ფაქტიურად მიღებული საქონლის ღირებულება.

22. ფორს-მაჟორი

22.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

22.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

22.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს, გამოინახოს ვალდებულებების შესრულების ისეთი

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

23. სადაო საკითხების გადაწყვეტა

23.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

23.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს, დავის გადაწყვეტის მიზნით, შეუძლია დადგენილი წესით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

24. გამოყენებული სამართალი

24.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

25. ხელშეკრულების ენა

25.1. ხელშეკრულება დაწერილია ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

26. შეტყობინება

26.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით მეორე მხარის ხელშეკრულებაში მითითებულ მისამართზე.

26.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

27. გადასახადები და დაბეგვრა

27.1. უცხოელი მიმწოდებელი პასუხს აგებს მისაწოდებელი მომსახურების გაწევასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

27.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა

გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

ხელშეკრულების სპეციფიკური პირობები

1. ხელშეკრულების დამდები მხარეები

„შემსყიდველი“:

- სახელწოდება: საჯარო სამართლის იურიდიული პირი – ზურაბ ჟვანიას სახელობის სახელმწიფო ადმინისტრირების სკოლა,
- მისამართი: 4600, ქალაქი ქუთაისი, ნიკეას ქუჩა, 13,
- გადასახადის გადამხდელის საიდენტიფიკაციო ნომერი: 212852055,
- ტელ./ფაქსი: (431) 23 26 00,
- ელექტრონული ფოსტა: zspa@zspa.ge,
- მიმღები: ხაზინის ერთიანი ანგარიში, ქ.თბილისი „სახელმწიფო ხაზინა“; ბანკის
- კოდი: TERESEGE22

„მიმწოდებელი“:

- სახელწოდება:
- მისამართი:
- გადასახადის გადამხდელის საიდენტიფიკაციო ნომერი:
- ტელეფონი:
- ფაქსი:
- ელექტრონული ფოსტა:
- საბანკო ანგარიში №
- საბანკო დაწესებულება:
- ბანკის კოდი:

1. ხელშეკრულების შესრულების კონტროლი

შემსყიდველი უფლებამოსილია, განახორციელოს მიმწოდებლის მიერ ხელშეკრულებით ნაკისრი ვალდებულებების შესრულების კონტროლი შესყიდვის ობიექტის მიწოდების ნებისმიერ ეტაპზე. კონტროლი მოიცავს მისაწოდებელი მომსახურების ფარგლებში გამოყენებული მასალებისა და პროცესების კონტროლს, მიწოდებული საქონლის დათვლას და ვიზუალურ შემოწმებას ტექნიკურ პირობებთან შესაბამისობაზე. კონტროლს ახორციელებს შემსყიდველის კონტროლის კოორდინატორი.

2. შეფუთვა

შესყიდვის ობიექტები შეფუთული უნდა იყოს ისე, რომ ტრანსპორტირებისას და დატვირთვა-გადმოტვირთვისას არანაირად არ დაზიანდეს საქონელი.

3. მომსახურების (საქონლის) მიწოდების პირობები

გასაწვევი მომსახურების ფარგლებში მისაწოდებელი საქონელი მიმწოდებლისათვის მიწოდებულ უნდა იქნას ამ ხელშეკრულების ხელმოწერიდან 25 კალენდარული დღის ვადაში მიმწოდებლის ადგილსამყოფელზე (ქუთაისი,

ნიკეას ქუჩა, 13). შესყიდვის ობიექტების ტრანსპორტირებას შესყიდვის ობიექტის მიწოდების ადგილამდე ახორციელებს მიმწოდებელი. ტრანსპორტირების ხარჯები შედის ხელშეკრულების ღირებულებაში და ცალკე ანაზღაურებას არ ექვემდებარება.

4. დაზღვევა (7)

არ გამოიყენება

5. შესყიდვის ობიექტის მიღება-ჩაბარების წესი (10)

შესყიდვის ობიექტების გადაცემა-მიღება ფორმდება მიღება-ჩაბარების აქტით, რომელშიც უნდა აისახოს გადაცემული და მიღებული საქონლის ჩამონათვალი, ტექნიკური პარამეტრები და რაოდენობა. მიღება-ჩაბარების აქტს შემსყიდველის მხრიდან ხელს აწერს შემსყიდველის კონტროლის კორდინატორი. მიღება-ჩაბარების აქტის გაფორმებამდე შემსყიდველი, მიწოდების ადგილზე, ახორციელებს მიწოდებული საქონლის საბოლოო შემოწმებას, რაც გულისხმობს მიწოდებელი საქონლის დათვლას დასახალებასა და რაოდენობასთან შესაბამისობის დადგენის მიზნით და შერჩევით ვიზუალურ შემოწმებას ხარისხის შესაბამისობის დადგენის მიზნით ტექნიკური დავალების პირობებთან. თუ საბოლოო შემოწმების შედეგად გამოვლინდება საქონლის დანაკლისი ან წუნი, შემსყიდველი დაუყოვნებლივ ადგენს წუნდების აქტს, რომელშიც მიეთითება დანაკლისის რაოდენობა, წუნის მიზეზი და ხასიათი. წუნდების აქტის ერთი პირი შედგენისთანავე გადაეცემა მიმწოდებელს, რომელიც ვალდებულია, აქტის მიღებიდან სამი სამუშაო დღის ვადაში შეავსოს ნაკლი და აღმოფხვრას წუნი თავისი ხარჯით, შემსყიდველის მხრიდან რაიმე დამატებითი ანაზღაურების გარეშე.

6. გარანტია (11)

არ გამოიყენება

7. ანგარიშსწორება (12)

1. ანგარიშსწორების ფორმა იქნება საბანკო გადარიცხვა.

2. ანგარიშსწორების ვადა: 15 კალენდარული დღის ვადაში მიმწოდებლის მიერ ანგარიშსწორების განხორციელებისათვის საჭირო დოკუმენტების წარმოდგენის დღიდან.

3. ანგარიშსწორების განხორციელებისათვის მიმწოდებელმა უნდა წარმოადგინოს შემდეგი დოკუმენტები: სასაქონლო ზედნადები, ანგარიშ-ფაქტურა (თუ მიმწოდებელი დღგ გადამხდელია) და მიღება-ჩაბარების აქტი.

8. ფასები (14)

ხელშეკრულებაში მითითებული ფასების შეცვლა დაუშვებელია.

9. ხელშეკრულების შესრულების გარანტია (19)

არ გამოიყენება

10. ხელშეკრულების პირობების შეუსრულებლობა (20)

ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო:

- შესყიდვის ობიექტების მიწოდების დაგვიანებისას – ხელშეკრულების ფასის 0,2 (ნოლი მთელი და ხუთი მეათედი) პროცენტის ოდენობით მიწოდების დაგვიანების ყოველ დღეზე,
- შესყიდვის ობიექტის დანაკლისის ან წუნის გამოვლენისას საბოლოო შემოწმების შედეგად – დანაკლისის ან წუნდებული ნივთის (ნივთების) ფასის 0,1 (ნოლი მთელი და ერთი მეათედი) პროცენტის ოდენობით წუნის აღმოფხვრაზე დახარჯულ ყოველ დღეზე.

თუ მიმწოდებლისათვის დაკისრებული პირგასამტეხლოების ჯამური თანხა გადააჭარბებს ხელშეკრულების ღირებულების 5 (ხუთ) პროცენტს, შემსყიდველს უფლება აქვს, შეწყვიტოს ხელშეკრულება.

11. სადაო საკითხების გადაწყვეტა (23)

სადაო საკითხების გადასაწყვეტად გამოიყენება საქართველოს სამართალი.

დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში: ქ. ქუთაისი, ნიკეას ქუჩა, 13, ტელ.: (431) 23 26 00, ელ. ფოსტა: zspa@zspa.ge , შეკითხვის დასმა და პასუხის მიღება შესაძლებელია, აგრეთვე სახელმწიფო შესყიდვების ერთიანი ელექტრონული სისტემის საშუალებით.

საკონტაქტო პირი: კომისიის აპარატის წევრი; დავითი ავალიანი, ტელ: 577-977-321.

სატენდერო წინადადება

ვის: საჯარო სამართლის იურიდიულ პირს – ზურაბ ჟვანიას სახელობის სახელმწიფო ადმინისტრირების სკოლას (ქ. ქუთაისი, ნიკეას ქ. №13)

ვისგან: (პრეტენდენტის სრული დასახელება და მისამართი)

შევისწავლეთ რა თქვენი სატენდერო წინადადება (სატენდერო განცხადების № _____) გამარტივებული ელექტრონული ტენდერის საშუალებით პროექტორი-ინტერაქტიული დაფა და ფოტოაპარატების შესყიდვაზე ყველა დანართის ჩათვლით, თანახმა ვართ, სატენდერო დოკუმენტაციის შესაბამისად განვახორციელოთ ზემოაღნიშნულის შესრულებას შემდეგ ფასად:

_____ (_____) ლარი

ჩვენი სატენდერო წინადადების გამარჯვების შემთხვევაში ვიღებთ ვალდებულებას, დავიწყოთ საქონლის მოწოდება სახელმწიფო შესყიდვის შესახებ ხელშეკრულების გაფორმებიდან და დავასრულოთ 30 დღის ვადაში.

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

პრეტენდენტის რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

ბანკის კოდი:

ბანკის დასახელება:

საბანკო ანგარიშის ნომერი:

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა